



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Hymni Ecclesiastici Novo Cultu Adornati**

**Clairé, Martin**

**Parisiis, 1676**

Ad Matvtinvm.

**urn:nbn:de:hbz:466:1-12077**

ECCLESIASTICI. 35

Ut tota nos æternitas  
Jungat beatis cœtibus. Amen.

AD LAUDES.

**S**PLENDOR Paternæ gloriæ,  
Lux lucis, & fons luminis;  
Lumen supernæ curiæ,  
Nostræ decus propaginis.

Hac noctis in caligine,  
Nos Patris imple lumine,  
Sacrōsque funde cœlitus  
Sancti calores Spiritūs.

Lætus dies hic transeat,  
Nostris nitens virtutibus;  
Ardore sancto ferveat,  
Pellat tenebras mentibus.

Præsta, Pater piissime,  
Fili, Patris simillime,  
Et tu, beate Spiritus,  
Nobis adesto cœlitus. Amen.

---

FERIA TERTIA.

AD MATUTINUM.

**S**UPREMA, Christe, claritas  
Ipsius micans in noctibus,

B vj

36 HYMNE

Fac ut sit hæc obscuritas  
Nostris amica cantibus.

Emitte lucem cœlitus,  
Mentis repellens nubila,  
Et quæ maligni spiritus  
Nobis creant pericula.

Dissolve culpæ debita,  
Quæ nequiter contraximus;  
Ne cuncta fiant irrita  
Quæ corde vota promimus.

Hæc te, beata Trinitas,  
Junctis precamur vocibus;  
Ut una nos felicitas  
Jungat beatis cœtibus. Amen.

AD LAUDES.

A L E S diei nuntius  
Lumen propinquans indicat;  
Christus futuri præscius  
Nos ad precandum convocat.

Auferte, clamat, lectulos;  
En sponsus; adsint lampades;  
Vult hic amantes sedulos,  
Odit sopore desides.

Tu, Christe, somnum discute,  
Tu pelle mentis nubila;